摛藻堂四庫

全書

薈


曾要


子部


欽定四庫全書着要我死卷上五

詳校官員外郎臣潘紹觏 王 杰 詳 校 臣

欽定四庫全書首要 說苑目錄 卷 卷二 卷三 建本 臣析 君道 說花








卷二十 反質 成帝時向典秘書因采傳記百家之言可為 云得十五篇于士大夫家與舊為二十篇晁 法戒者以類相從凡二十篇隋唐志皆同宗 文總目云今存者五篇餘皆亡曾鞏校書序 公武讀書志云劉向說苑以君道臣術建本 等謹案說苑二十卷漢中壘校尉劉向撰

質篇陸游渭南集記李德易之言謂得高麗 陽嘉四年上之關第二十卷曾子固所得之 今本第十法誠篇作敬慎而修文篇後有反 使權謀至公指武叢談襟言辯物修文為目 立節貴德復恩政理尊賢正諫法戒善說奉 二十篇正是析十九卷作修文上下篇耳案 未見也乾隆四十三年二月恭校上 進本補成完書則宋時已有此本公武蓋



畧之難也知其精微之際 尚難矣孔子之徒三十其 行事之迹以為此書奏之欲以為法戒然其所取或有 者七十二人皆高世之材也然獨稱顏氏之子其始庶 其脱謬疑者關之而叙其篇目曰向米傳記百家所載 不當於理故不得而不論也夫學者之於道非知其大 劉向所序說苑二十篇崇文總目云今存者五篇餘皆)臣從士大夫問得之者十有五篇與舊為二十篇正

武苑原序

الملك الما الما الما الما

說苑

一面灰匹庫在 1 幾乎及回死又以為無好學者而回亦稱夫子曰仰之 之邦必聞其政而子貢以謂非夫子之求之也豈不求 無失於其問也故日學然後知不足豈虚言哉向之學 者有矣何其徇物者多而自為者少也盖古之聖賢非 爾高赞之彌堅子貢又以謂夫子之言性與天道不可 博矣其著書及建言尤欲有為於世忘其在己而為之 不欲有為也然而曰求之有道得之有命故孔子所至 而間也則其精微之際固難知久矣是以取舍不能


學者之成也故見之氣論令讀其書者知考而擇之 志者也編校書籍臣曾輩上 然向數因於說而不改其操與大患失者異矣可謂有 取諸左右逢其原豈汲汲於外哉向之得失如此亦 說

稱古之學者為已孟子稱君子欲其自得之自得之

能揮其所學以盡乎精微則其所至未可量也是以夫

也豈不得之有命哉今向知出此安於行止以彼其志

之有道战子曰道之將行也數命也道之將奏也數命



晉平公問於師曠日人君之道如何對日人君之道清 欽定四庫全書會要卷一萬一百七十一分却 淨無為務在博愛超在任賢廣開耳目以察萬方不固 績以臨臣下此人君之操也平公曰善 溺於流俗不拘繋於左右廓然遠見踔然獨立屢省考 近世日車全書 天 說苑卷一 君道 劉向 撰

睿作聖詩人曰岐有夷之行子孫其保之宣王曰善 齊宣王謂尹文曰人君之事何如尹文對曰人君之事 無為而能容下夫事寡易從法省易因故民不以政獲 安静以籍之諫者勿振以威毋格其言博采其解乃 **凡處尊位者必以敬下順德規諫必開不諱之門搏節** 觀夫有文無武無以威下有武無文民畏不親文武 王封伯禽為魯公召而告之日爾知為人上之道乎 也大道容衆大德容下聖人寡為而天下理矣書曰

塞諫者得進忠信乃畜伯禽再拜受命而辭 吾聽而愈失威儀夫上之化下循風靡草東風則草靡 陳靈公行僻而言失泄治曰陳其亡矣吾縣諫君君不 俱行威德乃成既成威德民親以服清白上通巧佞 其行不敬其言者未有能保帝王之號垂顯令之名者 若之動不可不慎也夫樹曲木者惡得直景人君不直 而西西風則草靡而東在風所由而草為之靡是故人 也易曰夫君子居其室出其言善則千里之外應之况

欽定四庫全書 有之哀公曰何為其不博也孔子對曰為其有二來哀 魯哀公問於孔子曰吾聞君子不博有之乎孔子對曰 靈公間之以泄冶為妖言而殺之後果就於徵舒 慎乎天地動而萬物變化詩曰慎爾出話敬爾威儀無 適者子言出於身加於民行發子適見子遠言行君子 其適者子居其室出其言不善則千里之外違之况其 不柔嘉此之謂也今君不是之慎而縱恣馬不亡必弑 祖機極機之發荣辱之主君子之所以動天地可不

甚則百姓之親之也亦不能甚詩云未見君子憂心假 公懼馬有問曰若是乎君子之惡惡道之甚也孔子對 曰惡惡道不能甚則其好善道亦不能甚好善道不能 孔子吾馬間斯言也哉 如此哀公曰善哉吾聞君子成人之美不成人之惡微 恨亦既見止亦既觀止我心則說詩之好善道之甚也 公曰有二乘則何為不博也孔子對曰為行惡道也哀 問獻王曰堯存心於天下加志於窮民痛萬姓之雅 チョンスラージの説先

一節定匹庫在其 的而義立德博而化廣故不賞而民勸不罰而民治先 罪憂衆生之不遂也有一民餓則曰此我餓之也有一 恕而後教是堯道也當舜之時有苗氏不服其所以不 人寒則曰此我寒之也一 竭也完諭教馬而有苗氏請服天下聞之皆非禹之義 者大山在其南殿山在其北左洞庭之波右彭羅之 因此險也所以不服禹欲伐之舜不許曰諭教循木 民有罪則曰此我陷之也

聞之皆喜曰此誠天子也何居之深遠而見我之明 舉者也其君歸也乃召其國大夫告用天子之言百姓 也揖而進之曰意朕之政教有不得者與何其所臨之 者有賢才而不舉者以入告乎天子天子於其君之朝 民有饑寒不得衣食者有獄訟而失職者有賢才而不 出舉遠方之民有鐵寒而不得衣食者有獄訟而失職 可欺哉故牧者所以辟四門明四目建四聰也是以 公踐天子之位布德施惠遠而逾明十二牧方三人 說苑

堯舜之心為心今寡人為君也百姓各自以其心為 使然焉君王何為痛之至於此也禹曰堯舜之人皆以 近者親之遠者安之詩曰柔遠能通以定我王此之謂 禹出見罪人下車問而泣之左右曰夫罪人不順道故 於人則我不能勸也故疏河以導之鑿江通於九派灑 新定匹庫全建 間獻王曰禹稱民無食則我不能使也功成而不利 湖而定東海民亦勞矣然而不怨苦者利歸於民也

身而讓其所争以為閒田而反孔子曰大哉文王之道 虞人與芮人質其成於文王入文王之境則見其人民 是以痛之也書曰百姓有罪在子一人 乎其不可加矣不動而變無為而成敬慎恭已而處的 之讓為士大夫入其國則見其士大夫讓為公卿二國 自平故書曰惟文王之敬忌此之謂也 相謂曰其人民讓為士大夫其士大夫讓為公卿然 此其君亦讓以天下而不居矣二國者未見文王

說苑

陶為大理益掌歐禽堯體力便巧不能為一馬堯為君 義有輔王室之同當竟之時舜為司徒契為可馬禹為 戲言言則史書之工誦之士稱之於是遂村唐叔虞於 司空后稷為田疇爽為樂正任為工師伯夷為秩宗皇 晉周公旦可謂善說矣一稱而成王益重言明爱弟之 耶成王曰余一與虞戲也周公對日臣聞之天子 以此封汝唐叔虞喜以告周公周公以請日天子封 王與唐叔虞燕居剪梧桐葉以為珪而授唐叔虞曰

其事皆勝其任以成九功堯遂成厥功以王天下是故 知人者王道也知事者臣道也王道知人臣道知事母 者沉無法度而任已直意用人比大失矣故君使臣自 有道手伊尹對曰昔者堯見人而知舜任人然後知禹 湯問伊尹曰三公九卿二十七大夫八十一元士知之 亂舊法而天下治矣 以成功舉之夫三君之舉賢皆異道而成功然尚有失 說先

九子為臣其何故也堯知九職之事使九子者各受

貢其能則萬一之不失矣王者何以選賢夫王者得賢 武王問太公日舉賢而以危亡者何也太公日舉賢而 顯 四佐以自輔有英俊以治官尊其爵重其禄賢者進以 恩不流化澤不行故明君在上慎於擇士務於求賢設 陷不下堂而天下治此使能之效也 臣下樂職恩流羣生潤澤草木昔者虞舜左禹右拿 榮罷者退而勞力是以主無遺憂下無邪惡百官能 以自輔然後治也雖有堯舜之明而股肱不備則

定四庫全書]

黨者進少黨者退是以羣臣比周而蔽賢百吏羣黨而 於危亡武王日善吾今日間誹譽之情矣 多兹忠臣以神死於無罪犯臣以譽賞於無功其國見 安在太公望日其失在君好用小善而己不得真賢也 其君以譽為功以毀為罪有功者不賞有罪者不罰多 也以非賢為賢以非善為善以非忠為忠以非信為信 用是有舉賢之名而不得與賢之實也武王曰其失 王曰好用小善者何如太公曰君好聽譽而不思證

新定四庫全書 | · 其情而喜聞人之情惡間其惡而喜聞人之惡是以不 武王問太公日得賢敬士或不能以為治者何也太公 太公對日不能定所去以人言去不能定所取以人 定所賞以人言賞賢者不必用不肖者不必退而士 治也武王曰善 之敬武王曰善其為國何如太公對曰其為人惡 取不能定所為以人言為不能定所罰以人言罰 日不能獨斷以人言斷者殃也武王日何為以人言

察之不明舉之不顯而用之疑官之早禄之薄也且夫 任之桓公日得賢奈何審戚對日開其道路察而用之 如而使姦邪不起民衣食足乎霉戚對曰要在得賢而 桓公曰既以舉賢士而用之矣微夫子幸而臨之則未 也吾恐法令不行人多失職百姓疾怨國多盜賊吾何 有布衣屈命之士踵門而求見寡人者容戚對曰是 其位重其禄顯其名則天下之士監然舉足而至矣

齊桓公問於軍戚日院子今年老矣為棄寡人而就

一飲定四庫全書 然後見家三阻也訊微詰窮其解以法過之四阻也執 國之所以不得士者有五阻馬主不好士韵該在傍 王聖君無不容故安樂而長久因此觀之則安主利 明王聖主之治若夫江海無不受故長為百川之主 求處五阻不去則上蔽吏民之情下塞賢士之路是故 事適欲擅國權命五阻也去此五阻則豪後並與賢智 也言便事者未當見用二阻也壅塞掩蔽必因近習 非獨一士也桓公曰善吾将者夫五阻以為戒本也 明

齊景公問於晏子曰寡人欲從夫子而善齊國之政對 身體墮懈解令不給則隰朋侍左右多過刑罰不中 不中信行衰微則筦子侍先君能以人之長續其短 民不安則寧戚侍軍吏怠戎士偷則王子成父侍德義 於章侍居處肆縱左右 惧畏則東郭牙侍田野不修人 日嬰間之國具官而后政可善景公作色日齊國雖小 人之厚補其薄是以解令窮遠而不逆兵加於有罪 何為不具官子對曰此非臣之所復也昔先君桓公

說兒

嬰之過補嬰之閥特進仕之臣也何足以補君 之有道子郭隗曰有然恐王之不能用也的王避席願 夫子游寡人請見之晏子曰臣間為地戰者不能成王 未有一士 以間者也故日未具景公日善吾聞高繚與 為禄仕者不能成政若高繚與嬰為兄弟久矣未當干 不頓是故諸侯朝其德而天子致其非今君之失多矣 奴驅馳樓煩之下以孤之不肖得承宗廟恐危社稷存 定四庫全書 昭王問於郭飔曰寡人也狹人寡齊人削取八城**匈**

請聞之郭飔日帝者之臣其名臣也其實師也王者之 危國之臣其名臣也其實屬也今王将東面目指氣使 臣其名臣也其實友也霸者之臣其名臣也其實實 求臣則人臣之材至矣西面等禮相亢下之以色不 以求臣則厮役之材至矣南面聽朝不失揖讓之禮以 擇馬燕王曰寡人願學而無師郭隗曰王誠欲與道飔 以求臣則朋友之材至矣北面拘指逡巡而退以 則師傅之材至矣如此則上可以王下可以霸唯

説苑

請為天下之士開路於是燕王常置郭隗上坐南面 王喟然嘆曰吾聞之其君賢者也而又有師者王其君 歸過申侯之邑申侯進飯日中而王不食申侯請罪 **楚莊王既服鄭伯敗晉師將軍子重三言而不當莊王** 力也詩曰濟齊多士文王以寧此之謂也 年蘇子間之從周歸燕鄒行間之從齊歸無樂殺聞)從魏歸燕屈景間之從楚歸燕四子畢至果以弱燕 强齊夫燕齊非均權敵戰之國也所以然者四子之 居

金定四庫全書

身自情不肖思得賢佐日中忘飯可謂明君矣 者亡今我下君也而羣臣又莫若不穀不穀恐亡且世 也越王勾踐與吳人戰大敗之兼有九夷當是時也南 而恐驕三日聞天下之至言而恐不能行何以識其然 不絕聖國不絕賢天下有賢而我獨不得若吾生者何 食為故戰服大國義從諸侯成然憂恐聖知不在平 主者有三懼一日處尊位而恐不聞其過二日得意 說

君也而又有師者霸其君下君也而羣臣又莫若君

金灰四月石寸」 **筦仲隰朋東面而立桓公賛曰自吾得聽二子之言吾** 人戰大勝之燒其軍火三日不滅文公退而有憂色侍 面而立近臣三遠臣五令羣臣日聞吾過而不告者其 憂此得意而恐驕也昔齊桓公得筦仲隰朋辯其言 安者其唯聖人子若夫詐勝之徒未當不危也吾是 其義正月之朝令其太牢進之先祖桓公西面而立 日君大勝楚今有憂色何也文公日吾間能以戰勝 刑此處尊位而恐不聞其過者也昔者晉文公與楚

言而恐不能行者也 E] 齊景公出獵上山見虎下澤見蛇歸名晏子而問之 耳加胞不敢獨擅願為之先祖此聞天下之至

日寡人出獵上山則見虎下澤則見蛇殆所謂之 也晏子曰國有三不祥是不與馬夫有賢而不知 不用二不祥用而不任三不祥也所謂

乃若此者也今上山見虎虎之室也下澤見蛇蛇之

如虎之室如蛇之穴而見之曷為不祥也

免地

其 刺 飲 定四 勁 今王無乃 莊王好獵大夫 有 約 >者吾是 力也罷 競夫昌耶宫室管耶女楊邁耶何 三士 馬楚國以安 耽 山川 大旱 於樂子王曰 田两分所 知其勇也 陳日晋楚設國也楚 年 视 維 故 得吾是以知其仁 其 吾觀 门政不節 坼 日尚有志則無非事者 أار 将以 竭煎沙 -搏兕者吾 人求士也 耶 不謀晉晉光 爛 不雨之 使 也 民 石於是 因是 疾 耶 謀

聲者也詩云上下真產靡神不宗言兵早也 蓋言未已而天大雨故天之應人如影之隨形響之鼓 湯廟太戊從之上者曰吾聞之祥者福之先者也見祥 則禍不至於是乃早朝而晏退問疾用喪三日而桑穀 而為不善則福不生殃者禍之先者也見殃而能為善 殷太戊時有桑穀生於庭昏而生此旦而拱史請上

高宗者武丁也高而宗之故號高宗成湯之後先王道

1000000

沿先

宋大水鲁人界之曰天降淫雨谿谷湍盈延及君地以 蠻夷重譯而朝者六國此之謂存亡繼紀之主是以高 思先王之政與滅國繼絕世舉逸民明養老三年之後 受執政使臣敬事宗人應之曰家人不按齊戒不謹色 者野草也而生於朝意者國亡于武丁恐駭的身修行 缺刑法違犯桑穀俱生乎朝七日而大拱武丁召其相 而問馬其相曰吾雖知之吾弗得言也聞諸祖已桑穀

封不修使人不時天加以殃又遺君憂拜命之辱君子 聞之曰宋國其庶幾乎問曰何謂也曰昔者夏朱殷紂 馬夫過而改之是猶不過也故曰其庶幾乎宋人間之 楚昭王有疾上之曰河為崇大夫請用三牲馬王曰止 平總使宋人不聞君子之語則年穀未豐而國未寧詩 風與夜寐早朝晏退吊死問疾戮力守內三年歲豐政 佛時仔肩示我顯德行此之謂也 任其過其亡也忽馬成湯文武知任其過其與也勃

古者先王割地制土祭不過望江漢睢漳楚之望也禍 馬仲尼間之曰昭王可謂知天道矣其不失國宜哉 禱之馬王曰止楚國之有不穀也由身之有勾脇也其 福之至不是過也不殼雖不德河非所獲罪也遂不祭 有令尹司馬也由身之有股肱也勾脇有疾轉之股肱 尹司馬說馬則可今尹司馬聞之宿蘇沐浴将自以身 人乘驛東而問諸太史州黎州黎曰将虐於王身以令 昭王之時有雲如飛鳥夾日而飛三日昭王患之使

一缸定四庫全書

忘子數此能求過於天必不逆諫矣安不忘危故能 庸為去是人也 楚莊王見天不見妖而地不出孽則禱於山川 曰天 矣孤必與馬侍者日命可長也君胡不為君日命在 民死之短長時也民尚利矣吉熟大馬遂徙於釋 民寡人之利也天生然民而樹之君以利之也民既利 **邾文公卜徒於繹史曰利於民不利於君君曰苟利** 而成霸功馬 其

灰包日車公告

說苑

+ <u>£</u>

數行之為章以數施之萬物為藏是故求道者不以目 而以心取道者不以手而以耳 聚之公自他藏之必自他行之故道以數取之為明以 他聽之心自他聞之心自他擇之心自他取之心自他 人味言然後聞言者其得言也少是以明王之言必自 後間於早道也故使人味食然後食者其得味也多使 聞於早故樂當乎果然後至乎貴教也樂言獻於貴然 湯曰藥食先嘗於早然後至於貴藥言先獻於貴然後

趙簡子與察激遊將沈於河曰吾當好聲色矣而樂 聽遂之鄭三年而得鄭國之政五月而鄭人殺之 矣而為人也不仁而欲得人之政母以之曾衛宋鄭不 不安不見不思然各有得馬以以各時爵之申侯伯各 大夫贈申侯伯而行之申侯伯将之鄭王曰化戒之 思然各有喪馬必以吾時遣之大夫許諾乃爵祭餘 欲者勸我為之吾所樂者先我行之與處則安不見 說苑

楚文王有疾告大夫曰筦饒犯我以義違我以禮與處

過何更君曰吾謂是諾未必有過也吾將求以來該者 御矣而察激求之今吾好士六年矣而察激未皆進一 或謂趙簡子曰君何不更乎簡子曰諾左右曰君未有 致之吾當好官室臺榭矣而樂激為之吾當好良馬善 謂樂懷子曰子亦知君好田職也獸己聚矣田車合矣 韓武子田獸已聚矣田車合矣傳來告日晉公薨武子 也今我却之是却陳者陳者以止我過無日矣 人是進吾過而點吾善也

一飲定四庫全書 一人

撞其君其罪如何左右曰罪當意提師經下堂一 子曰盈而欲拂我乎而拂我矣何必晶哉遂報田 吾可以卒獵而後吊手懷子對曰范氏之亡也多輔 琴而撞文侯不中中流潰之文侯謂左右曰為人臣 師經鼓琴魏文侯起舞賦日使我言而無見違師經接 君也唯恐言而人不違禁紂之為君也唯恐言而人 經日臣可一言而死乎文侯日可師經日昔堯舜之為 拂今臣於君輔也晶於君拂也君胡不問於品也武

足可華全書

说,

矣百姓將誰告矣 今天降禍於齊國不加寡人而加夫子齊國之社稷危 齊景公游於妻間晏子卒公乘與素服驛而驅之自以 之臣撞禁約非撞吾君也文侯曰釋之是家人之過也 懸琴於城門以為寡人符不補施以為寡人戒 為遲下車而超知不若車之速則又乘比至於回者四 人不遺尺寸寡人猶且溢決而不收怨罪重積於百姓 而超行哭而往矣至伏屍而號曰子大夫日夜责寡

善若出一口公作色太息播弓天弦章入公日章自吾 晏子沒十有七年景公飲諸大夫酒公射出質堂上唱 失晏子於今十有七年未當聞吾過不善今射出質而 唱善者若出一口 於章對曰此諸臣之不肖也知不足 今日之言章為君我為臣是時海人入魚公以五十乘 間之君好之則臣服之君皆之則臣食之夫尺蠖食黃 以知君之不善勇不足以犯君之顔色然而有一馬臣 則其身黃食養則其身養君其獨有語人言乎公日善

にこう 自己 馬の 説花

若魚者也昔者晏子解賞以正君故過失不掩今諸臣 賜於章歸魚乘塞塗無其御之手曰曩之唱善者皆欲 辭魚不受君子曰於章之廉乃晏子之遺行也夫天之 見於衆而受若魚是反晏子之義而順語被之欲也固 謟諛以干利故出質而唱善如出一口今所輔於君未 生人也蓋非以為君也天之立君也蓋非以為位也夫 以宜事也如此者春秋不予能君而夷秋之鄭伯惡 人君行其私欲而不顧其人是不承天意忘其位之

齊人就其君魯襄公接戈而起日孰臣而敢殺其君子 萬夫之命而傷一人之死奚其過也其臣已無道矣其 萬夫之性非所以立君也其身死自取之也今君不爱 春秋此之謂也 師懼曰夫齊君治之不能任之不肖縱一人之欲以虐 一人而兼棄其師故有夷秋不君之辭人主不以此自 巴马車公告三 惟既以失實心奚因知之故曰有國者不可以不學 說花

其國以正天下伐無道刑有罪一 孔子曰文王似元年武王似春王周公似正月文王 春致其時萬物皆及生君致其道萬人皆及治周公戴 王孝為父以太任為母以太如為如以武王問公為子 則諸侯尊矣諸侯失政則大夫起矣大夫失官則庶人 泰颠閱天為臣其本美矣武王正其身以正其國正 而天下順之其誠至矣 君果臣者以勢使之也夫勢失則權傾故天子失道

孔子曰夏道不亡商德不作商德不亡周德不作周德 典矣由是觀之上不失而下得者未當有也

不亡春秋不作春秋作而後君子知問道亡也故上

指大於臂者難以把本小末大不能相使也


司城子罕相宋謂宋君曰國家之危定百姓之治亂在


筦子曰權不兩錯政不二門故曰脛大於股者難以步


下此私門威而公家毀也人君不察馬則國家危殆矣

2虧也循水火之相滅也人君不可不察而大威其臣

欽 寡人行其善吾知不為諸侯笑矣於是宋君行賞赐而 刑罰殺戮者人之所惡也臣請當之君曰善子主其惡 當則賢人不勸姦人不止姦邪比周欺上敬主以爭爵 與子罕刑罰國人知刑戮之威專在子罕也大臣親 君行之赏罰也賞當則賢人勸罰得則每人止賞罰不 定四庫全書 强大夫老子曰魚不可脫於淵國之利器不可以 姓附之居期年子军逐其君而專其政故曰無弱 不可不慎也夫實賜讓與者人之所好也若自行之 发







家社稷宗廟如此者忠臣也四曰明察此見成败早 其勞如此者良臣也三曰卑身賤體風與夜旅進賢不 之前使主起然立乎顯荣之處天下稱孝馬如此者聖 而救之引而復之塞其問絕其源轉禍以為福使君終 策將順其美匡殺其惡功成事立歸善於君不敢獨伐 臣也二日虚心白意進善通道勉主以禮韻論主以長 形兆未見昭然獨見存亡之幾得失之要預禁乎不然 数稱於往古之德行事以屬主意庶幾有益以安國

一回家昏亂所為不道然而敢犯主之顏面言主之過 世沈浮上下左右觀望如此者具臣也二曰主所言皆 六正也六那者一日安官貪禄管於私家不務公事懷 讓賜不受贈遗衣服端齊飲食節儉如此者貞臣也六 失不辭其誅身死國安不悔所行如此者直臣也是為 日善主所為皆日可隱而求主之所好即進之以快主 其智藏其能主餓於論渴於策猶不肯盡節容容乎與

以無憂如此者智臣也五日守文奉法任官職事辭禄

钦定日事合書 題

三曰中實頗險外容貌小謹巧言令色又心族賢所欲 主妄行過任賞罰不當號令不行如此者姦臣也四日 智足以飾非辯足以行說反言易辭而成文章內離骨 耳目偷合苟容與主為樂不顧其後害如此者神臣也 則明其美而隱其惡所欲退則明其過而匿其美使

勢擅為主命以自貴顯如此者既臣也六曰語言以邪

招國事以為輕重於私門成黨以富其家又復增加威

內之親外好亂朝廷如此者龍臣也五曰專權擅勢持

墜主不義朋黨比周以蔽主明入則辯言好辭出則更 謂六邪賢臣處六正之道不行六邪之術故上安而 復界其言語使白黑無別是非無問伺候可推而因附 治生則見樂死則見思此人臣之術也 然使主惡布於境內間於四隣如此者亡國之臣也是 湯問伊尹曰三公九御大夫列士其相去何如伊尹對 於天道者也其言足以調陰陽正四時節風雨如是者 曰三公者知通於大道應變而不窮辯於萬物之情通

説 施売

時通於溝渠修院防樹五穀通於地理者也能通不能 舉以為三公故三公之事常在於道也九卿者不失四 事行稍舉絕不傷於言言之於世不害於身通於關 於德也大夫者出入與民同衆取去與民同利通於人 疆諫而無有姦訴去私立公而言有法度如是者舉以 也列士者知義而不失其心事功而不獨專其賞忠政 能利不能利如此者舉以為九卿故九卿之事常 府庫如是者舉以為大夫故大夫之事常在於

湯問伊尹曰古者所以立三公九卿大夫列士者何 伊尹對日三公者所以泰五事也九卿者所以泰三公 不名先王之臣臣而不名威德之士臣而不名是謂大 尹對目君之所不名臣者四諸父臣而不名諸兄臣而 也大夫者所以然九卿也列士者所以然大夫也故然 啊 下正凡此四者明王臣而不臣湯曰何謂臣而不臣伊 到士故列士之事常在於義也故道德仁義定而天

臣也事全書 題記

進管仲也聞子皮之進子產也未聞管仲子產有所進也 賢耶用力為賢耶子貢曰進賢為賢子曰然吾聞鮑叔之 鄭無子產乎子日賜汝徒知其一不知其二汝聞進賢為 者齊有絕叔鄭有子皮賢者也子貢曰然則齊無完仲 子貢問孔子曰今之人臣孰為賢孔子曰吾未識也往 季成子與程觸我熟置而可李克曰臣間之暖不謀 魏文侯且置相召李克而問馬曰寡人將置相置於 而有然是謂事宗事宗不失外內若一

貴外不謀內疎不誤親臣者疎暖不敢聞命文侯曰 未知果熟為相李克曰李成子為相程黃作色不說曰 爾失望於先生李克日子何逐失望於我我於子之君 其所不為由此觀之可知矣文侯曰先生出矣寡人之 也豈與我比周而求大官哉君問相於我臣對日君不 相定矣字克出過翟黃翟黃問曰吾聞君問相於先生 可知矣貴視其所舉當視其所與貧視其所不取窮視 此國事也願與先生臨事而勿辭李克曰君不察故也 見 4 大

千種什九居外一居中是以東得上子夏田子方段干 察故也貴視其所舉當視其所與負視其所不取窮視 木彼其所舉人主之師也子之所舉人臣之才也程黃 進樂羊無使冶之臣吾進先生無使傅其子吾進屈侯 其所不為由此觀之可知也君曰出矣家人之相定矣 河之守觸所任也計事內史觸所任也王欲攻中山吾 以是知季成子為相翟黃不說日觸何遽不為相子西 觸何員於季成子李克曰不如季成子季成子食杀

楚令尹死景公遇成公乾日令尹將馬歸成公乾日始 少屈春資多子義獲天下之至憂也而子以為友鳴鶴 於屈春乎景公怒日國人以為歸於我成公乾日子資 敢出三月也 頗為友二人者之智足以為令尹不敢專其智而委之 與弱狗其知甚少而子玩之總夷子皮日侍於屈春損

左右言季成子立為相矣於是程黃點然變色內慚

连然而懈日觸失對於先生請自脩然後學言未卒而

一民足口東公書 天

君也子至而人臣也將何以至此手程黃對曰此皆君 之所以賜臣也積三十歲故至於此時以間服祖之職 道狹下抵車而待之翟黃至而睹其子方也下車而超 野正進先生子方曰何子賜車舉之厚也程黃對曰皆 自 屈春故曰政其歸於屈春平 約鎮軍席如此者其駒八十乗子方望之以為人君也 田子方渡西河造程黃程黃来軒車載華蓋黃金之勒 投下風日觸田子方日子與吾衛者望子疑以為人

李克而魏國大治是以進此五大夫者爵禄倍以故 魏欲攻中山臣進樂羊而中山拔魏無使治之臣臣進 者西河無守臣進吳起而西河之外寧鄰無令臣進西 門豹而魏無趙患酸東無令臣進北門可而魏無齊憂 翟黃對曰君母弟有公孫季成者進子夏而君師之進 於此子方可可子勉之矣魏國之相不去子而之他矣 也所敬者也臣之所進者皆守職守禄之臣也何以至 段干木而君友之進先生而君敬之彼其所進師也友 說苑

齊威王遊於瑶臺成侯鄉來奏事從車羅綺甚家王望 魏國相乎子方曰吾聞身賢者賢也能進賢者亦賢也 子之五舉者盡賢子勉之矣子然其次也 之謂左右曰來者何為者也左右曰成侯卿也王曰國 者有以易之也王武問其說成侯柳至上謁曰忌也王 至貨也何出之威也左右日與人者有以責之也受人 之威也成侯卿日赦其死罪使臣得言其說王曰語對 不應又可忌也王不應又可忌也王曰國至貧也何出

秦穆公使買人載鹽徵請買人買人買百里矣以五段 重道遠以險而牛何以肥也對日臣飲食以時使之不 羊之皮使将車之泰泰穆公觀鹽見百里奚牛肥日 趙人給威忌舉田種首子為即墨而於齊足完是果北 郭刁勃子為大士而九族益親民益富舉此數良人者 而楚人抱羅綺而朝忌舉點派子為京州而燕人給牲 王枕而即耳何患國之質哉 能起日車全書 ·

日忌舉田居子為西河而秦梁弱忌舉田解子為南坡

請以讓之公不許公孫支曰君不用實相而得社稷之 有可具沐浴為衣冠與坐公大院異日與公孫支為政 為以賀曰君得社稷之聖臣敢賀社稷之福公不辭再 子公曰然吾悦夫奚之言彼類聖人也公孫支遂歸取 公孫支大不寧曰君耳目聰明思慮審察君其得聖人 暴有險先後之以身是以肥也穆公知其君子也令 民陋以愚無知危亡之本也臣自知不足以處其上 而受明日公孫支乃致上御以讓百里奚日秦國處

聖臣君之禄也臣見賢而讓之臣之禄也今君既得其 趙簡子從晉陽之邯郸中路而止引車吏進問君何 退不肖君之明也今臣處位廢君之德而逆臣之行 不肖而處上位是君失倫也不肖失倫臣之過進賢而 禄矣而使臣失禄可乎請終致之公不許公孫支曰臣 止簡主日董安于在後吏曰此三軍之事也君奈何 臣將逃公乃受之故百里奚為上御以制之公孫支為 御以佐之也

說記

故身供國安御史大夫同昌曰人主誠能如趙簡主朝 安于適至简主日秦道之與晉國交者吾忘令人塞之 董安于日此安于之所為後也問主日官之實壁否忘 一人留三軍也簡主日苦驅之百步又止吏將進諫童 對日此安于之所為後也簡主可謂內省外知人矣哉 年長矣言未當不為晉國法也吾行忘令人辭且聘馬 令人載之對日此安于之所為後也簡主日行人燭過

晏子侍於景公朝寒請進熱食對曰嬰非君之厨養臣 齊侯問於晏子曰忠臣之事其君何若對曰有難不死 得其理制百官之序使得其宜作為辭令可分布於四 出亡不送君曰裂地而封之疏廚而貴之吾有難不死 方自是之後君不以禮不見晏子也 日然夫子於寡人奚為者也對日社稷之臣也公日何)敢辭公曰請進服義對曰嬰非田澤之臣也敢辭公 社稷之臣對日社稷之臣能立社稷辨上下之宜使

定包日南全書

說苑

晏子朝乘敞車駕為馬景公見之曰嘻夫子之禄寡耶 馬謀而見從終身不亡臣何送馬若言不見用有難 出亡不送可謂忠乎對曰言而見用終身無難臣何死 於臣足矣晏子出公使梁丘據遺之軽車來馬三近不 國交游皆得生馬臣得暖衣飽食散車為馬以奉其身 臣者能納善於君而不能與君陷難者也 死之是妄死也諫而不見從出亡而送是非為也故也 来不任之甚也晏子對日賴君之賜得以壽三族及

受公不悅趣召晏子晏子至公曰夫子不受寡人亦一 来安子對日君使臣臨百官之吏節其衣服飲食之養 景公飲酒陳桓子侍望見晏子而復於公曰請浮晏子 車而駕為馬以朝是隱君之賜也公曰諸酌者奉觞而 乘馬君來之上臣亦來之下民之無義仍其衣食而不 以先齊國之人然猶恐其侈靡而不顧其行也今幹 公曰何故也對曰晏子衣繼布之衣麋鹿之表棧較之 其行者臣無以禁之遂讓不受也

進之曰君命浮子晏子曰何故也陳桓子曰君賜之御 飲定四庫全書 之賢臣有受厚賜而不顧其國族則過之臨事守職不 位以尊其身寵之百萬以富其家羣臣之爵莫尊於子 百萬以富其家嬰不敢為富受也為通君賜也臣問古 賜如位以顯其身嬰不敢為顯受也為行君令也寵之 飲而後辭子其解而後飲子公曰辭然後飲晏子曰君 為為馬以朝則是隱君之賜也故浮子晏子避席曰請 禄莫厚於子今子衣緇布之衣麋鹿之表棧較之車而

夫敗車爲馬以朝主者非臣之罪也且臣以君之赐臣 鄙者此臣之罪也君之外禄臣之所職若有播亡在四 勝其任則過之君之内隸臣之父兄若有離散在於野 晏子方食君之使者至分食而食之晏子不飽使者返 無凍飯者國之衛士侍臣而後舉火者數百家如此 方者此臣之罪也兵革不完戰車不修此臣之罪也若 父之黨無不來車者母之黨無不足於衣食者妻之堂 君之賜子彰君之赐子公曰善為我浮桓子也

之身死而財遷智者不為也嬰也間為人臣進不事上 言之景公景公日唐夫子之家若是其質也寡人不知 之君而厚施之人代君為君也忠臣不為也厚取之君 而藏之是筐篋存也仁人不為也厚取之君而無所施 拜而解曰嬰之家不貧以君之賜澤覆三族延及交游 也是寡人之過也令吏致千家之縣一於晏子晏子再 以為忠退不克下以為廉八升之布一豆之食足矣使 振百姓君之賜也厚矣娶之家不負也嬰間之厚取

亡否不亡陳成子曰然子何以與常對曰未死去死未 者三返遂解不受也 之該逆命利君謂之忠逆命病君謂之亂君有過不該 陳成子謂總夷子皮曰何與常也對曰君死吾不死君 亡去亡其有何死亡矣從命利君謂之順從命病君謂 去之謂之諫用則可生不用則死謂之諍有能此和 節将危國殖社稷也有能盡言於君用則留之不用 力率羣下相與禮為君君雖不安不能不聽逐解國之

謂至間禁紂之所以亡也詩云曾是莫聽大命以領 命反君之事寫君之重以安國之危除主之辱攻伐足 以成國之大利謂之獨故諫静輔獨之人社稷之臣也 大患除國之大害成於尊君安國謂之輔有能亢君之 所殺也明君好問閣君好獨明君上賢使能而享其 間君畏賢如能而減其業罰其忠而賞其戚夫是之 君之所尊禮而閣君以為己賊故明君之所賞閣君

飲定四庫全書

高綠仕於晏子晏子逐之左右諫曰高綠之事夫子三 中戶也不爱我諫我必於家人中尹綽曰歐也爱君之 日君子哉尹綽面管不察也 配而不爱君之過也臣爱君之過而不爱君之配孔子 年曾無以爵位而逐之其義可乎晏子曰嬰八陋之人 也四維之然後能直今此子事吾三年未曾獨否過是

一九 起日東台書

簡子有臣尹綽赦展簡子曰殿爱我諫我必不於泉人

人貴而不能為人上賤而羞為人下此姦人之心也身 孫仰曰少事長賤事貴不肖事賢此天下之通義也有 其功而不言為人下者其猶土子 甘泉出馬草本植馬禽獸育馬生人立馬死人入馬多 孔子曰為人下者其猶土子種之則五穀生馬掘之則 公叔文子問於史叟曰武子勝事趙簡子久矣其龍不 不離姦心而行不離姦道然而求見譽於衆不亦難乎


子貢問孔子曰赐為人下而未知所以為人下之道也


泰誓目附下而罔上者死附上而罔下者刑與問國政 善而點惡也故傳曰傷善者國之後也敬善者國之 見其龍君賜之禄知足而解故能久也 致敏以慈貌而疏之則恭而無怨色入與謀國家出不 也勉無罪者國之賊也 而無益於民者退在上位而不能進賢者逐此所以勸 日假於思神時日上並以疑於泉者我也子路為 锐花

解奚也史叟日武子勝博聞多能而位賤君親而近之

仁也由也不受子曰爾以民為餓何不告於君發倉原 止之何也夫子止由之行仁也夫子以仁教而禁其行 之而民多匱於食故與人一單食一壺漿而夫子使賜 子曰由也以暴雨将至恐有水災故與人修溝瀆以備 義也速己則可矣否則爾之受罪不久矣子路心服 以給食之而以爾私饋之是汝不明君之惠見汝之 壺漿孔子間之使子貢覆之子路忿然不悅往見夫 令備水災與民春修溝瀆為人煩苦故子人一單食

定四庫全書





欽定四庫全書養要卷一萬一百七十三子即 孔子曰君子務本本立而道生夫本不正者未必倚始 春秋之義有正春者無亂秋有正君者無危國易曰建 不威者終心良詩云原濕既平泉流既清本立而道生 說苑卷三 劉向 撰

其本而萬物理失之毫釐差以千里是故君子贵建本

飲定四庫全書 君之利除民之害可謂不失民衆矣君身必正近臣必 選大夫不兼官執民柄者不在一族可謂不權勢矣此 言士而一見庶人有謁必達公族請問必語四方至者 始奈何日正之正之奈何日明智智不明何以見正多 而重立始 武侯問元年於吳子吳子對曰言國君必慎始也 而擇馬所以明智也是故古者君始聽治大夫而一 可謂不壅蔽矣分禄之及用刑之中君心之仁思

之所養莫貴子人人之道其大子父子之親君臣之義 有時矣而力為本置本不同無務豐末親戚不悅無務 說無務修遠是以反本角通君子之道也天之所生地 外交事無終始無務多業聞記不言無務多該比近不 本治政有理矣而能為本居國有禮矣而刷為本生財 孔子曰行身有六本本立馬然後為君子立體有義矣 而孝為本處喪有禮矣而哀為本戰陣有隊矣而勇為

こり うここう 下 競先

皆春秋之意而元年之本也

七歲以上父為之擇明師選良友勿使見惡少漸之以 趣走進退容貌不悖乎目早體賤身不恃子心君子之 善使之早化故賢子之事親發言陳解應對不恃乎耳 從命者惟害親者也故親之所安子皆供之賢臣之 父道聖子道仁君道義臣道忠賢父之於子也慈思以 生之教誨以成之養其誼藏其偽時其節慎其於子年 親以積德子者親之本也無所推而不從命推而不

定四庫在寸

君也受官之日以主為父以國為家以士人為兄弟故

苟有可以安國家利民人者不避其難不憚其勞以 成於內面嘉號布於外是謂建之於本而崇華自茂矣 其義故其君亦有助之以遂其德夫君臣之與百姓轉 君以臣為本臣以君為本父以子為本子以父為本亲 相為本如循環無端夫子亦云人之行莫大於孝孝行 而仕昔者由事二親之時常食蒙養之實而為親母米 **其本崇華楊矣** 路口負重道遠者不擇地而休家負親老者不擇禄

説

茵而坐列鼎而食願食藜藿為親員米之時不可復得 駁色謂伯禽日有商子者賢人也與子見之康叔封與 霜露不使賢者欲養二親不待故曰家質親老不擇禄 百里之外親沒之後南遊於楚從車百乗積栗萬鍾累 伯為見商子曰某某也日吾二子者朝乎成王見周公 伯禽與康叔封朝于成王見周公三見而三答康叔有 也枯魚街索幾何不靈二親之壽忽如過隊草本欲長

卷三

二子盍相與觀于南山之陰有木馬名曰梓二子者往 觀于南山之陰見棹勃馬寶而俯反以告商子商子曰 馬實而仰反以告乎商子商子曰橋者父道也商子曰 之陽有木馬名曰橋二子者往觀乎南山之陽見橋竦 子同公曰君子哉商子也 跪周公拂其首勞而食之曰安見君子二子對曰見商 梓者子道也二子者明日見乎問公入門而超登堂而 三見而三答其說何也商子曰二子盍相與觀乎南山

飲定四庫全書

曾子芸瓜而誤斬其根曾哲怒接大杖擊之曾子仆地 體而不去殺身以陷父不義不孝孰是大乎汝非天子 事父也索而使之未嘗不在例求而殺之未當可得小 筆則待大筆則走以迎暴怒也今子委身以待暴怒立 無罪使人謝孔子孔子曰汝間瞽叟有子名曰舜舜之 教祭得無疾乎退屏鼓琴而歌欲令曾哲聽其歌聲令 知其平也孔子聞之告門人曰然來勿內也曾子自以 有項蘇歷然而起進曰曩者祭得罪於大人大人用

伯俞有過其母笞之泣其母曰他日笞子未當見泣今 之民邪殺天子之民罪奚如以曾子之村又居孔子之 这何也對日他日俞得罪答當痛今母之力不能使痛 門有罪不自知處義難子

是以泣故曰父母怒之不作於意不見於色深受其罪 可哀憐上也父母怒之不作於意不見其色其次也

父母怒之作於意見於色下也

成人有德小子有造大學之教也時禁於其未於之日

一飲定四庫全書 之幼稚童家之時非求師正本無以立身全性夫幼者 難成雜施而不遜則壞亂而不治獨學而無友則孤 必愚愚者妄行愚者妄行不能保身孟子曰人皆知 問召公年十九見正而冠冠則可以為方伯諸侯矣人 而相從執質有族以文 而寡聞故曰有昭辟雜有賢泮宫田里問行濟濟鏘鏘 日馴發然後禁則扞格而不勝時過然後學則勤苦而 因其可之曰時相觀於善之日摩學不陵節而施之

賢大夫學問講辯日以自虞疏遠世事分明利害等策 道之要親始卒之端覽無外之境逍遙子無方之内仿 食愈飢莫知以學愈愚故善材之切者必勤於學問以 情死有遺業生有禁名此皆人材之所能建也然其能 也然晚世之人莫能問居心思鼓琴讀書追觀上古友 得失以觀禍福設義立度以為法式窮追本末完事之 祥乎塵埃之外卓然獨立起然絕世此上聖之所遊神 俗其性今人誠能砥碼其材自誠其神明指物之應通

辟立非我也而可以属心夫問訊之士目夜與起為中 者崇名立身之本也儀狀齊等而飾貌者好質性同倫 為者偷慢解情多暇日之故也是以失本而無名夫學 原也何以立驅也騏驥雖疾不遇伯樂不致千里干將 博察以垂荣名而不好問訊之道則是伐智本而雲智 **盖知以分别理是故處身則全立身不殆士苟欲深** 而學問者智是故砥礪琢磨非金也而可以利金詩書 利非人力不能自断馬烏號之弓雖良不得排禁不 明

能自任人才雖高不務學問不能致聖水積成川 之道也中庸日好問近乎智力行近乎仁知恥近乎勇 至馬千金之表非一孤之皮臺廟之根非一木之枝先 者也親賢學問所以長德也論交合友所以相致也 龍生馬土積成山則豫樟生馬學積成聖則當告 王之法非一士之智也故曰訊問者智之本思處者智 云如切如莲如琢如磨此之謂也 積小之能大者其惟仲尼子學者所以反情治性盡才

今夫辟地殖穀以養生送死銳金石雜草藥以攻疾各 隊於心者也如此人者骨內不親也秀士不友也此三 知尊其君內有男女之别外有朋友之際此聖人之德 食於金朝須以生活而非陶冶者也此言違於情而 構室屋以避暑雨累臺樹以避潤濕入知親其親出 定四庫全書 儒者受之傳之以教誨於後世今夫晚世之惡人反 而非耕織者也載於船車服而安之而非工匠者也 者曰何以儒為如此人者是非本也譬猶食穀衣

養心易行而得其所欲何謂糞心博學多聞何謂易行 孟子曰人知粪其田莫知糞其心糞田莫過利苗得栗 不食投界有北有北不受投界有吴此之謂也 代之葉民也人君之所不赦也故詩云投界豺虎豺虎 止注法也

子思日學所以益才也碼所以致刃也吾當坐處而深

不若學之速吾當政而望不若登高之博見故順

呼聲不加疾而聞者衆登丘而招臂不加長而見者

說范

立夫遠而有光者師也近而通明者學也譬之如污 無根無根則失理失理則不忠不忠則失禮失禮則不 遠故魚来於水鳥来於風草木來於時 足道也然而可以開四方而的於諸侯者其惟學子詩足觀也其勇力不足憚也其先祖不足稱也其族姓不 孔子曰可以與人終日而不倦者其惟學乎其身體不 孔子曰鯉君子不可以不學見人不可以不師不飾 不然不亡率由舊章夫學之謂也

晋平公問於師曠日吾年七十欲學恐己募矣師順日 盲臣安敢戲其君子臣聞之少而好學如日出之陽 也春秋之中弑君三十六亡國五十二諸侯奔走不得富者傲生而富貴又無鑑而自得者鮮矣春秋國之鑑 公扈子日有國者不可以不學春秋生而尊者驗生而 保其社稷者甚衆未有不先見而後從之者也 不炳燭乎平公日安有為人臣而戲其君乎師瞬

說先

水涤注馬管浦生之從上觀之知其非源也

德慧也 譬如大馬夫拾學聖王之道若拾日之光何乃獨思若 為者常成行者常至嬰非有異於人也常為而不置常 梁丘據謂晏子曰吾至死不及夫子矣晏子曰嬰問之 大之明也可以見小耳未可用大知惟學問可以廣明 而好學如日中之光老而好學如炳燭之明炳燭之明 河問獻王曰湯稱學聖王之道者譬如日馬靜居獨思 與昧行乎平公曰善哉

栖 審越中年都人也苦耕之勞謂其友曰何為而可以免 此苦也友日莫如學學二十年則可以達矣舜越日 孔子謂子路日汝何好子路日好長劍孔子日非此 而百里不止今寡越之材而久不止其為諸 周威公師之夫走者之速也而過二里止步者之 五歲人將休吾將不休人將卧吾不敢卧十三点 候

飲定四庫全書

子路問於孔子曰請釋古之學而行由之意可手孔子 犀草又何學為子孔子曰括而羽之蘇而砥礪之其入 有益子孔子曰夫人君無諫臣則失政士無教友則失 德 問也請以汝之所能加之以學豈可及哉子路日學亦 不益深乎子路拜曰敬受教哉 可以不學子路日南山有竹弗採自直斬而射之通於 則聖受學重問就不順成毀仁惡士且近於刑君子 在馬不釋其策燥弓不返於禁木受絕則直人受該

弟娶妻而美好請與兄易忠則忠矣然非禮也今子欲 豐墙境下未必崩也流行潦至壞必先矣樹本淺根荄 曰不可昔者東夷慕諸夏之義有女其夫死為之内私 釋古之學而行子之意庸知子用非為是用是為非子 不深未必極也飄風起暴雨至拔火先矣君子居於是 不順其初雖欲悔之難哉 壻終身不嫁不嫁則不嫁矣然非貞節之義也蒼梧之 國不崇仁義不尊賢臣未必亡也然一旦有非常之變 說死

無及矣詩曰吸其泣矣何嗟及矣言不先正本而成憂 虞君問盆成子曰今工者久而巧色者老而哀今人不 洋洋子安託無能之驅哉故有技者不累身而未當 老之前知謀無以異乎幼之時可好之色彬彬乎且盡 及此之時益積心技之術以備将東之色色者必盡乎 天其救之不亦難乎孔子曰不慎其前而悔其後雖 新 庆 匹 月 石 寸

車馳人走指而禍至乃始乾喉燋脣仰天而歎庶幾馬

齊桓公問管仲曰王者何貴曰貴天桓公仰而視天管 仲曰所謂天者非謂養養莽莽之天也君人者以百姓 為天百姓與之則安輔之則殭非之則危背之則亡詩 而色不得以常茂 河問献王曰管子稱倉廪實知禮節衣食足知荣辱去 云人而無良相怨一方民怨其上不遂亡者未之有也 者國家所以昌熾士女所以校好禮義所以行而 以安也尚書五福以富為始子貢問為政孔子曰

钦定四庫全書

ここ 発

文公見各季其廟傳於西墙公日執處而西對日君之 富之既富乃教之也此治國之本也 宅板築以時無奪農功 之君之明羣臣之福也乃今于國曰母谣官室以妨人 出两告之僕僕頓首於較日日刑云一人有慶兆民頼 墙壞而不築公日何不築對日一日不移百日不食公 老臣也公日西盖而宅對日臣之忠不如老臣之力其

楚恭王多寵子而世子之位不定屈建曰楚必多亂夫


請立雍雍長出在秦秦大足以為援賈李曰不若公子 晉襄公薨嗣君少趙宣子相謂大夫曰立少君惟多難 令尹圍公子棄疾之亂也 百姓之望也國既無基又使百姓失望絕其本矣本絕 則撓亂猶免走也恭王聞之立康王為太子其後循有 說苑


子而嫡位無主亂自是生矣夫世太子者國之基也而

則一兔走使萬人擾分已定則雖貪夫知止今楚多寵

免走於街萬人追之一人得之萬人不復走分未定

樂樂有電於國先君愛而仕之程程足以為接視贏抱 趙簡子以襄子為後重安于曰無恤不才今以為後何 太子以呼於庭曰先君奚罪其嗣亦奚罪含嫡嗣不立 也簡子曰是其人能為社稷忍辱異日智怕與襄子飲 能為社稷忍辱豈曰能刺人哉處十月智伯圍襄子於 而外求君子出朝抱以見宣子曰惡難也故欲立長君 定匹厚在过 1 灌襄子之首大夫請殺之襄子曰先君之立我也曰 君立而少君肚難乃至矣宣子患之遂立太子也







第十頁 謹案卷 一第三頁後 第十六頁前一 卷二第五頁 莞蘇 揻 北 作 國策 緍 按 後三行 戰 L 火史記 在 國策作文山 南 前 樂 及劉 行莞饒犯我 歧 五行過程黃 毅 山 五行大山在其南 闻 在 向 新序 之從 北 在 南 以義 Ō 衙山在北韓詩外 魏 按 韓 歸燕刊 鰛 詩 按 前 紹 新序莞鏡 外 殿 本魏 傳資治 改 4 訛 在 作 傅 其 趙 Ã

欽 定 凹 卷三第二頁 第五頁 第 第七頁前五行好問近乎智 庫 四頁 農 鑑 殪 孫 全書 翟 韓 此 詩 黄 筱 盖 後二行不 典 並 9} \sim 集 前 作 行 傳 立體 語 四 翟 作 行 凌 同 }_!. 拱 節 此 而 立 而 與 能 不 而 新 1 去 施 序 本 按 按 之 同 妆 禮 立 曰 贈 孔 馴 包 子家 孔子家語 問 按 禮 作 語 記。 學 能 51 作 作 作

ij 子樂於陳此以為仕程者誤按左氏云陳小而遠無援又云賈季亦使名公第十三頁後一行先君愛而仕之程程足以為援 第十二頁前五行人而無良按毛詩及韓詩外 j. Ė 而 þ., 作民之





校對官編監

銀監生日

臣馬改

欽定四庫全書替要於克卷四至

詳校官員外即臣潘紹觀

.欽定四庫全書舊要卷一萬一百七十四子即 非名豈不痛哉士有殺身以成仁觸害以立義倚於節 行之子路曰不能勤苦不能恬貧窮不能輕死亡而曰 理而不議死地故能身死名流於來世非有勇斷熟 說苑卷四 **耧子之有勇而果於行者不以立節行誼而以妄死** 说龙 劉向 撰

我能行義吾不信也昔者中包胥立於秦庭七日七人 君子其誰能行之哉王子比干殺身以成其忠伯夷叔 立義行道母論難易而後能行之立身著名無顏利害 袍未得完糟糠之食熬藿之羹未得飽義不合則解上 哭不絕鄰遂以存楚不能勤苦安能行此自子布衣經 餓死于首陽而志逾彰不輕死亡安能行此故夫士欲 而後能成之詩曰彼其之子碩大且為非良寫修激之 不恬貧窮安能行此比干將死而諫通忠伯夷叔齊

身以遂其行因此觀之早賤貧窮非士之即也夫士之 其身哉以為夫義之不立名之不著是士之恥也故殺 富貴而樂質賤也由其道遵其理尊貴及己士不能 息雖無道之世不能污馬然則非好死而惡生也非 孔子曰當而可求雖執鞭之士吾亦為之當而不可 而士不與馬三者在乎身名傳於後世與日月並而不 **阶段身以成其廉此三子者皆天下之通士也豈不愛** 恥者天下舉忠而士不與馬舉信而士不與馬舉廉

聚矣夫子何為不軾孔子曰丘間之國亡而不知不智路曰禮過三人則下車過二人則軾今陳修門者人數矣伐陳陳西門燔因使其降民修之孔子過之不軾子矣此士君子之所以越衆也 一盆定四库全書 從各所好大聖之操也詩云我心匪石不可轉也我心 **匪席不可卷也言不失己也能不失己然後可與濟** 而不争不忠忠而不死不廉今陳修門者不行一

弟子曰吾聞君子當功以受禄今就景公景公未之行 受自子曰臣間之受人者畏人子人者驕人縱子有賜 復往又不受使者曰先生非求於人人則獻之矣為不 而賜我原丘其不知丘亦甚矣遂解而行曾子衣料衣 以耕鲁君使人往致邑馬曰請以此修衣曾子不受反 以全其節也子思居於衛紀祀無表二旬而九食田子 不我騎也我能勿畏手終不受孔子間之日來之言足

孔子見齊景公景公致原丘以為養孔子解不受出謂

方間之使人遺孤白之表恐其不受因謂之日吾假人 爱臣若終立則不可以往絕迹於衛是背母也且臣自 立臣為之相兄以佐之公日何故也對日臣之舅在衛 宋襄公兹父為桓公太子桓公有後妻子曰公子目夷 堅似雖貧也不忍以身為溝壑是以不敢當也 公爱之兹父為公爱之也欲立之請於公曰請使目表 子無何故不受子思曰假聞之妄與不如遺棄物於溝 遂忘之吾與人也如棄之子思解而不受子方曰我有

知不足以處目夷之上公不許強以請公公許之將立 晉縣姬詩太子申生於獻公獻公将殺之公子重耳謂 之衛兹父從之三年桓公有疾使人召兹父若不來是 而兄在下不義也不義而使目夷為之目夷将逃乃逃 申生日為此者非子之罪也子胡不進解解之必免於 使我以憂死也兹父乃反公復立之以為太子然後目 公子月夷目夷解曰兄立而弟在下是其義也今弟立

矣夫世子詩日夢分斐分成是月錦彼詩人者亦已太 罪申生日不可我解之願姬必有罪矣吾君老矣微縣 姬寢不安席食不甘味如何使吾君以恨然哉重耳曰 逃死如是者吾以身當之遂伏劒死君子聞之曰天 君也夫彰父之過而取美諸侯孰肯納之入因於宗出 解則不若速去矣申生日不可去而免於死是惡吾 於逃是重吾惡也吾聞之忠不暴君智不重惡勇不

晉獻公之時有士馬曰孤突傅太子申生公立聽姬為 次至日事全書· 楚平王使奮揚殺太子建未至而遣之太子奔宋王召 之部今事終矣與其久生亂世也不若死而報太子乃 太子將死使人謂孤突日吾君老矣國家多難傳 復事獻公三年獻公卒孤突解於諸大夫曰突受太子 夫人而國多憂孤突稱疾不出六年獻公以諧誅太子 以輔吾君申生受賜以死不恨再拜稽首而死狐突乃

晉靈公暴趙宣子縣諫靈公患之使銀之獨賊之組之 無所入王乃赦之 佞不能貳也奉初以還故遣之己而悔之亦無及也王 誰告建也對日臣告之王初命臣日事建如事余臣不 日而敢來何也對日使而失命召而不來是重過也逃 奮揚使城父人執之以至王曰言出於子口入於爾耳 爾退較而言曰不忘恭敬民之主也城民之主不忠亲 頹炭往則復門關矣宜子盛服将朝尚早坐而假寂之

各将舉大事於國願與子共之子蘭子曰我事子而與 齊人有子蘭子者事白公勝勝將為難乃告子蘭子曰 君之命不信有一於此不如死也遂觸槐而死 子殺君是助子之不義也畏患而去子是適子於難也 日舍父之孝子而為王之忠臣何也其父日使有禄於 中鳴解不受其父曰王欲相汝汝何不受乎中鳴對 有士申鳴者在家而養其父孝間於楚國王欲於之 不與子殺君以成吾義契領於庭以遂吾行

飲定四庫全書 遂入朝楚王因授之相居三年白公為亂殺司馬子期 申鳴将往死之父止之日棄父而死其可乎申鳴日問 夫仕者身歸於君而禄歸於親今既去子事君得無死 國立義於庭汝樂吾無憂矣吾欲汝之相也申鳴曰諾 之語自公曰善則往取其父持之以兵告申鳴曰子與 者天下之孝子也往劫其父以兵申鳴聞之必來因與 其難子遂解而往因以兵圍之白公謂石乞曰申鳴者 天下之勇士也今以兵圍我吾為之奈何石乞曰申鳴

食其食者死其事受其禄者畢其能令吾己不得為父 應之目始吾父之孝子也今吾君之忠臣也吾聞之也 之孝子矣乃君之忠臣也吾何得以全身接将鼓之遂 殺白公其父亦死王賞之金百斤申鳴曰食君之食避 君之難非忠臣也定君之國殺臣之父非孝子也名不 可雨立行不可雨全也如是而生何面目立於天下隊

吾吾與子分楚國子不與吾子父則死矣申鳴流涕而

一 新定四庫全書 齊莊公且伐莒為車五東之實而紀梁華舟獨不與馬 莒人逆之紀祭華舟下關獲甲首三百莊公止之日子 汝下也趣食乃行祀梁華舟同車侍於莊公而行至莒 止與子同齊國紀梁華舟曰君為五東之實而舟梁不 故歸而不食其母曰汝生而無義死而無名則雖非五 與馬是少吾勇也臨敵涉難止我以利是污吾行也深 来孰不汝笑也汝生而有義死而有名則五來之寡盡 入多我者臣之事也齊國之利非吾所知也遂進關懷

華科曰吾豈無勇哉是其勇與我同也而先吾死是以 其去遂於物也來吾踰子隰侯重仗楯伏炭二子乘而 忘之非信也深入多般者臣之事也莒國之利非吾所 哀之苦人日子母死與子同莒國紀梁華舟日去國歸 有問不能入隰侯重為右曰吾間古之士犯患涉難者 軍陷陣三軍弗敢當至莒城下莒人以炭置地二人立 非忠臣也去長受賜非正行也且雞鳴而期日中 顔而哭之華舟後息把梁曰汝無勇子何哭之久也

欽定四库全書 越甲至齊強門子狄請死之齊王曰鼓鐸之聲未間矢 王曰子何為死車右對日為其鳴吾君也王曰左較 石未交長兵未接子何務死之為人臣之禮那雜門 知也遂進鬪殺二十七人而死其妻間之而哭城為之 他而隔為之前此非所以起也 對曰臣聞之昔者王田於固左戴鳴車右請死之而 而見其鳴吾君也遂刎頸而死知有之乎齊王曰有一 工師之罪也子何事之有馬車石曰臣不見工師

楚人将與吳人戰楚兵寡而吳兵衆楚将軍子囊曰我 車石可以死左轂而臣獨不可以死越甲也遂刎頸而 擊此國必敗辱君虧地忠臣不忍為也不復於君點兵 而退至於國郊使人復於君曰臣請死君曰子大夫之 死是日越人引甲而退七十里曰齊王有臣釣如雍門)雍門子狄曰今越甲至其鳴吾君也豈左轂之下哉 以上卿之禮 狄擬使越社稷不血食遂引甲而歸齊王韓雍門子

飲定四車全書

楚國終為天下弱矣臣請死退而伏劍君曰誠如此請 罪則後世之為君臣者皆入不利之名而效臣遁者是則 月不得見或曰何不因鄰國之使而見之成公趙日不 宋屠單父則是趙無以自立也且往誅宋趙遂入宋三 成子大夫之義乃為桐棺三寸加斧質其上以徇於國 通也以為利也而今誠利子大夫母死子囊曰随者 無 康公攻阿屠單父成公趙曰始吾不自知以為在干 則萬垂不敢伐在萬垂則天下不敢圖令趙在阿

處之士而刺之成公趙日不可吾因羣臣道徒處之士 信不用皆曰趙使之然也不可或曰何不因羣臣道徒 可吾因鄰國之使而剌之則使後世之使不信荷節之

之然也不可吾聞古之士怒則思理危不忘義必將正 而刺之則後世之忠臣不見信辯士不見顧皆曰趙使

行以求之耳春年宋康公病死成公趙曰康士不辱名

信士不情行今吾在阿宋屠軍父是辱名也事誅宋王

恭年不得是惰行也吾若是而生何面目而見天下之

我者其京中年之士皆與之城北餘子田基獨後至社 士遂立稿於彭山之上 牟得而取之論有功者用田基為始田基曰吾間原士 義死不避遂祛衣將入鼎佛於脫屢而生之趙簡子屠中 衣將入鼎曰基間之義者軒晃在前非義弗乗斧鉞於後 飲定四庫全書 一人 不恥人如此而受中牟之功則中牟之士終身惭矣強 胖用中年之縣畔設禄色炊張曰與我者受色不與 卷言四言

負其母南徙於楚楚王髙其義待以司馬

齊崔杼弑莊公那削瞶使晋而反其僕曰崔杼弑莊公 吾 無道也四鄰諸侯莫不聞也以夫子而死之不亦難平 轡自刎於車上君子間之曰邢削瞶可謂守節死義矣 其僕曰人有亂君人猶死之我有治長可母死乎乃結 聽我能去今既不諫又不去吾聞食其禄者死其事 削晴日善能言也然亦晚矣子早言我我能諫之諫 将奚如那蒯瞶日驅之将入死而報君其僕曰君之 既食亂君之禄矣又安得治君而死之遂驅車入死

忠臣不事二君貞女不更二夫齊王不聽吾諫故退而 燕昭王使樂毅伐齊関王亡燕之初入齊也間盖邑人 士之意矣詩云風夜睡懈以事一人那生之謂也孟子 死者人之所難也僕夫之死也雖未能合義然亦有志 定四庫全書 勇士不忘喪其元僕太之謂也 **戰賢令於軍日環蓋三十里母入以戰之故己而使** 謝燕人燕人日子不聽吾引三軍而屠蓋邑王歌曰 謂歌日齊人多高子之義吾以子為将封子萬家歌

肯齊向無况在位食禄者乎乃相聚如苔求諸公子立 枝自奮絕服而死齊亡大夫聞之曰王歇布衣義荷 友斯汝也左儒對日臣間之君道友逆則順君以誅友 也左儒争之於王九復之而王弗許也王日别君而 助禁為暴也與其生而無義固不如烹遂懸其驅於樹 左儒友於杜伯皆臣問宣王宣王將殺杜伯而非其 為襄王 耕於野國既破亡吾不能存今又初之以兵為君將是 說此

之其友曰子事君而不見識馬今君難吾子死之意者 苔穆公有臣曰朱屬附事穆公不見識馬冬處於山林 友道君逆則率友以違君王怒曰易而言則生不易而 其不可乎朱属附曰始我以為君不吾知也今君死而 食行栗夏處洲澤食淩編穆公以難死朱属附将往死 儒元之 求生故臣能明君之過以死杜伯之無罪王殺杜伯 則死左儒對日臣間古之士不枉義以從死不易言

歃

定四庫全書

将殺之大夫諫曰子倍自好也爭王雄必有說王姑察 者遂往死之 我不死是果不知我也吾将死之以激天下不知其臣 王日奚謂也對日臣之兄讀故記日射科雄者不出 申公子倍之弟進請賞於王日人之有功也賞於車下 之不出三月子倍病而死郊之戰楚大勝晉歸而賞功 楚莊王獵於雲夢射科維得之申公子倍攻而奪之王 月公元臣之兄爭而得之故天死也王命發乎府而

钦定日車全書 既

之於記果有馬乃厚賞之 說苑卷四